

# CHARTER

IN FAVOUR OF

SIR WILLIAM ALEXANDER, KNIGHT,

OF THE

LORDSHIP AND BARONY OF NOVA SCOTIA, IN AMERICA.

Jacobus Dei gratia Magnae Britanniae Franciae et Hyberniae Rex &c. Fideique Defensor Omnibus probis hominibus totius terrae suae clericis et laicis salutem Sciatis nos semper ad quamlibet quae ad decus et emolumentum regni nostri Scotiae spectaret occasionem amplectendum fuisse intentos nullamque aut faciliorem aut magis innoxiam acquisitionem censere quam quae in exteris et incultis regnis ubi vitae et victui suppetunt commoda novis deducendis coloniis facta sit praesertim si vel ipsa regna cultoribus prius vacua vel ab infidelibus quos ad Christianam converti fidem ad Dei gloriam interest plurimum inessae fuerunt sed cum et alia nonnulla regna et haec non ita pridem nostra Anglia laudabiliter sua nomina novis terris acquisitis et a se subactis indiderunt quam numerosa et frequens Divino beneficio haec gens hac tempestate sit nobiscum reputantes quamquo honesto aliquo et utili cultu eam studiose exerceri ne in deteriora ex ignavia et otio prolabatur expediat plerumque in novam deducendos regionem quam coloniis compleant operae praeium duximus qui et animi promptitudine et alacritate corporumque robore et viribus quibuscunque difficultatibus si qui alii mortalium uspiam se audeant opponere hunc conatum huic regno maxime idoneum inde arbitramur quod virorum tantummodo et mulierum jumentorum et frumenti non etiam pecuniae transvectionem postulat neque incommodum ex ipsius regni meritis retributionem hoc tempore cum negotiatio adeo imminuta sit possit reponere hisce de causis sicuti et propter fidele et gratum dilecti nostri consilarii Domini Wilhelmi Alexandri equitis servitium nobis praestitum et praestandum qui propriis impensis ex nostratibus primus externam hanc coloniam ducendam conatus sit diversasque terras infra-designatis limitibus circumscriptas incolendas expectaverit Nos totum ex regali nostra ad Christianam religionem propagandam et ad opulentiam prosperitatem pacemque naturalium nostrorum subditorum dieti regni nostri Scotiae acquirendam cura sicuti alii principes extranei in talibus casibus hactenus fecerunt cum avisamento et consensu praedilecti nostri consanguinei et consilarii Joannis Comitis de Mar Domini Erskyn et Gareoch &c. summi nostri thesaurarii computorum rotulatoris collectoris ac thesaurarii novarumstrarum augmentationum hujus regni nostri Scotiae ac reliquorum dominorum nostrorum commissionerum ejusdem regni nostri Dedimus concessimus et disposuimus tenoreque praesentis cartae nostrae Damus concedimus et disponimus praefato Domino Wilhelmo Alexander haeredibus suis vel assignatis quibuscunque haereditarie Omnes et singulas terras continentes ac insulas situat et jacen in America intra caput seu promontorium communiter Cap de Sable appellat, jacen prope latitudinem quadraginta trium graduum aut eo circa ab equinoctiali linea versus septentrionem a quo promontorium versus littus maris tenden ad occidentem ad stationem navium Sanctae Mariae vulgo *Sanctamareis bay* et deinceps versus septentrionem per directam lineam introitum sive ostium magnae illius stationis navium trajicien quae ex-

Reg. Mag. Sig.  
D. 50. N. 36.